

Na osnovu člana 2. i 72. Zakona o javnim nabavkama Bosne i Hercegovine («Službeni glasnik BiH», br. 39/14 59/22), a u vezi s Planom nabavki JU OŠ „Vladislav Skarić“ Sarajevo za 2022. godinu i na osnovu Odluke o pokretanju postupka javne nabavke broj:09-2-813/22, od 16. 11. 2022. godine, nakon okončanog postupka javne nabavke u predmetu nabavke robe – nabavku i isporuku lož ulja (LU-EL) za potrebe JU OŠ „Vladislav Skarić“ Sarajevo– putem direktnog postupka,

Ugovorne strane:

1. Javna ustanova Osnovna škola «Vladislav Skarić» Sarajevo, Terezija br.48, Sarajevo
ID:4200238130003, koju zastupa direktor škole Meho Pirić (u daljem tekstu:
Ugovorni organ),

i

2. Firma "HIFA - PETROL" d.o.o. SARAJEVO, Hotonj bb, 71320 Vogošća,
PDV:200999090005

(naziv, adresa i PDV br. firme Dobavljača)

koga zastupa, Muhamed Vrabac, direktor

(ime, prezime i svojstvo ovl. lica za potpis sporazuma)

(u daljem tekstu Dobavljač)

zaključile su

U G O V O R O N A B A V C I L O Ž U L J A

Član 1.

(Predmet)

Predmet ovog Ugovora jeste nabavka lož ulja, količina 2556,79 litara, po provedenom direktnom postupku broj:09-2-813/22, od 16.11.2022. godine (Odluka u Prilogu ovoga Ugovora).

Član 2.

(Cijena)

Cijena za predmetnu robu u direktnom postupku javne nabavke robe - Nabavka i isporuka lož ulja (LU-EL) za potrebe JU OŠ „Vladislav Skarić“ Sarajevo, u ukupnom iznosu od 5.982,89 KM, bez PDV-a (slovima: pethiljadadevetstoosamdesetdva i 89/100 KM), shodno Ponudi broj: JN - 5085/22, od 17. 10. 2022. godine (u Prilogu ovog Ugovora).

Član 3.

(Narudžba)

Ugovorni organ će vršiti narudžbu predmetne robe pismenim putem, fax-om ili telefonom.

Član 4.

(Fakturisanje)

- (1) Ugovorni organ i Dobavljač su saglasni da će se plaćanje lož ulja iz člana 1. ovoga ugovora od dana zaprimanja fakture i potpisane otpremnice o kvantitativnom i kvalitativnom prijemu isporučenih količina u skladu sa isporučenim količinama, a najduže u roku 30 /trideset/ dana od dana zaprimanja fakture, na žiro račun dobavljača, koji je dostavljen u ponudi.

- (2) Uz fakturu Dobavljač je obavezan dostaviti certifikat o propisanom kvalitetu „LU-EL“ – BAS, čija je kompetentnost priznata.
- (3) Fakturu Dobavljača ispostavljati i dostavljati na adresu: JU OŠ "Vladislav Skarić" Sarajevo, Terezija broj 48, 71000, Sarajevo.

Član 5.

(Način plaćanja)

- (1) Dobavljač se obavezuje na nepromijenljivost cijena tokom cijelog ugovorenog perioda, u skladu s predmetnom javne nabavke i ponudom.
- (2) Plaćanje robe po ugovoru se vrši u KM, putem Trezora Kantona Sarajevo, a u skladu s propisima o trezorskom poslovanju.

Član 6.

(Stupanje na snagu)

Ovaj Ugovor stupa na snagu danom potpisivanja od strane ovlašćenih osoba obiju ugovornih strana i ima važnost do ispunjenja ugovorenih obaveza, a najkasnije do 31.12.2022.godine.

Član 7.

(Dostavljanje)

- (1) Dobavljač će naručenu predmetnu robu, dostaviti na adresu Ugovornog organa u roku od 48 sati od momenta narudžbe.
- (2) Za sve eventualne neispravnosti Ugovorni organ je dužan reklamaciju izvršiti odmah po prijemu robe.

Član 8.

(Obaveze Dobavljača)

- (1) Dobavljač se obavezuje da će stručno i kvalitetno vršiti ugovorene isporuke i o tome sačiniti pisani dokument, koji će dostaviti Ugovornom organu, te da će usluge pružiti u skladu s utvrđenim propisima i standardima iz te oblasti.
- (2) Dobavljač je dužan pridržavati se utvrđenih rokova definisanim ovim ugovorom i prihvaćene dinamike pružanja usluga.
- (3) Dobavljač ima pravo produženja ugovorenih rokova u sljedećim slučajevima:
 - uslijed više sile, što podrazumijeva vanredne vanjske događaje ili pojave, ili prirodne događaje (poplava, potres i dr.),
 - ljudske radnje koje se nisu mogle predvidjeti ili izbjeći, ili ukloniti,
 - mjere predviđene odlukama nadležnih tijela.
- (4) U ovom Ugovoru "viša sila" znači događaj koji je izvan kontrole Dobavljača i koji ne podrazumijeva pogrešku ili nemar Dobavljača i koji nije predvidljiv.
- (5) Ako dođe do situacije više sile Dobavljač odmah u pisanom obliku obavještava Ugovornog organa o takvom stanju i njegovom uzroku. Ako Ugovorni organ u pisanom obliku ne zatraži drugačije, Dobavljač nastavlja ispunjavati svoje ugovorene obaveze u mjeri u kojoj je to realno izvodljivo i nastoji naći sve realne načine za izvršavanje obaveza iz ugovora koje ne sprečava viša sila.
- (6) Rok za izvršenje produžit će se za onoliko dana koliko je trajala smetnja, uzimajući u obzir i vrijeme potrebno za ponovnu organizaciju i nastavak poslova u vezi sa izvršenjem usluge.
- (7) Dobavljač se obavezuje da za svaki dan prekoračenja ugovorenog roka, ako rok nije u skladu sa odobrenom dinamikom, plati Ugovornom organu na ime ugovorene kazne 0,2% ugovorene cijene, iz člana 2. Ugovora.
- (8) Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od strane Ugovornog organa.

- (9) Ugovorni organ neće naplatiti ugovorenu kaznu ukoliko je do kašnjenja došlo usljed više sile.
- (10) Dobavljač ne podliježe odgovornosti za nastalu štetu i raskidu Ugovora zbog neizvršavanja obaveza, ako i u onoj mjeri u kojoj je njegovo kašnjenje s izvršenjem Ugovora ili drugi propust u izvršavanju sporazumnih obaveza rezultat više sile.
- (11) Međutim, Ugovorni organ ima pravo raskinuti ovaj Ugovor ako Dobavljač:
- svojim postupcima pokaže da ne namjerava nastaviti sa ispunjenjem svojih obaveza prema pojedinačnom Ugovoru,
 - potpiše Ugovor sa podugovaračem za sve usluge ili prenese pojedinačnog Ugovora bez odgovarajuće saglasnosti Ugovornog organa
 - u slučajevima stečaja, likvidacije i nesolventnosti Dobavljača.
- (12) Pored ostalih obaveza, Dobavljač se posebno obavezuje i to kako slijedi:
- da isporuku robe vrši na način da se ne remeti proces rada Ugovornog organa,
 - da prilikom izvršenja isporuke poduzme sve mjere kako ne bi nanosio štetu ili ometao treća lica. Za eventualno nastale štete koje trećim licima nastanu u vezi sa izvršenjem isporuke koje su predmet ugovora, isključivo odgovara Dobavljač.

Član 9.

(Primjena ZOO)

Ugovorne strane utvrđuju da se u pogledu elemenata koji nisu definirani ovim Ugovorom ima primijeniti Zakon o obligacionim odnosima.

Član 10.

(Rješavanje sporova)

Ugovorne strane su saglasne da će sve eventualne međusobne sporove rješavati sporazumno, a ako to nisu u mogućnosti riješiti, nadležan je Općinski sud u Sarajevu.

Član 11.


Ovaj Ugovor sačinjen je u četiri /4/ istovjetna primjerka, od kojih svaka ugovorna strana zadržava po dva /2/ primjerka za svoje potrebe.

ZA DOBAVLJAČA:


Munamed Vlahović


Broj: 5730/22
U Sarajevu, 29.11.2022.

ZA UGOVORNOG ORGANA:


Dinko


Broj: 01-3-846/22
U Sarajevu, 28. 11. 2022. godine